

Khamoro – o Romano maškardhemutno festivalos Prahate

O festivalos has thodo andro berš 1999 Prahate. L'ikerel jekh kurko pro agor majeske. Sako berš Prahate aven te bašavel nekfeder romane artista andal o calo svetos. Pro Khamoro šaj šunas tradična romane gil'a, gypsy jazz the aver moderne romane gil'a. Al'e o festivalos nane ča pal o bašaviben. Šaj odoj dikhen le artisten, so keren o čitre, šaj dikhen pro romane filmi u šaj džan pro khelibnaskero sikhaviben. Nekbuter džene pes lošal'on pro defile. Savore bandi andal e tradično sekcija bašaven avri maškar foroste u džan le foroha bašavindos. O manuša pre lende šaj dikhen u šunen sar bašaven. O džene, so terd'on pal o festivalis, kamen, kaj pes te dochudel the kije ajse manuša, so bi avresar pro kajso festivalos na avilehas.

Sako berš hin pro festivalos the expertna seminara pal e romaňi kultura abo pal le Romengeri integracija. Oda pes kerel vaš oda, kaj o festivalos le manušenge te ča na sikhavel le Romen the lengeri kultura, ale kaj le manušenge tiž te anel pre god'i neve phučibena pal o Roma u avka len te ispidel kij'oda, hoj pal o Roma the lengeri kultura the dživipen gondol'inen.